

名公增修晉書詳節

二







名公增修晉書詳節卷之二

東晉本紀



元帝

有神光之異

元帝諱胤字景文宣帝曾孫琅邪恭王勣之子也咸寧二年生於洛陽有神光之異一室盡明所藉藁如始刈及長白豪生於日角之左隆準龍顏自有精曜顧眄煒如也年十五嗣位琅邪王幼有令聞侍中嵇紹謂人曰琅邪王毛骨非常殆非人臣之相也永嘉初用王導計始鎮建鄴愍帝即位進位丞相大都督中外諸軍事及西都不守帝移檄四方徵天下之兵剋日進討時有玉冊見於臨安白玉麒麟神筆出於江寧其文曰長壽萬年自有重暈皆以為中興之象焉

建武元年二月西陽王業等上尊號帝不許業等以死固請帝慨然流涕曰孤罪人也惟有蹈節死義以雪天下之恥庶贖鉄鉞之誅吾本琅邪王諸賢見逼不已乃呼私奴命駕將反國群臣凡不敢逼請依魏晉故事為晉主許之乃即王位諸參軍拜奉車都尉掾屬駙馬都尉辟掾屬百餘人時人謂之百六掾乃備百官立宗廟社稷于建康

百六掾

元帝一



但

大興元年二月愍帝崩問至於是即皇帝位七月劉聰死其子粲嗣偽位八月斬準弒劉粲自號漢王十月劉曜即皇帝位于赤壁十二月劉聰故相王騰等斬斬準送傳國璽於劉曜

二年十一月石勒僭即王位國號趙

絕飲

永昌元年正月大將軍王敦率兵於武昌以誅劉隗為名龍驤將軍沈充帥眾應之閏十一月帝崩時年四十七。帝性簡儉冲素容納直言初鎮江東頗以酒廢事王道深以為言帝命酌以觴覆之於此遂絕有司嘗奏太極殿廣室施絳帳帝曰漢文集上書皂

天子氣

囊為帷遂令冬施青布夏施青練帷帳將拜貴人有司請雨雀斂帝以煩費不許所幸鄭夫人大衣無文綵始秦時望氣者云五百年後金陵有天子氣故始皇東游以厭之改其地曰秣陵漸北山以絕其勢及孫權之稱號自謂當王之孫盛以謂始皇逮于孫氏四百三十七載考其曆數猶為未及元帝之渡江也乃五百二十六年真人之應在於此矣天意人事又符中興之兆太安之際童謡云五馬浮渡江一馬化為龍識者以為吳越之地當興王者是歲帝與西陽汝南南頓彭城五王獲濟而帝竟登大位焉。初玄石圖

一馬化為龍



一盃  
一口  
行鶴

有牛繼馬後故宣帝深忌牛氏遂為一盃共一口以貯酒帝先飲佳者而以毒酒鶴其將牛金而恭王妃夏侯氏竟通小吏牛氏而生元帝亦有符云

後乎  
天時  
先諸  
人事

更臣曰晉氏不虞自中流外五胡扛鼎七廟隨尊滔天方駕則民懷其舊德者矣昔光武以數郡加名元皇以一州臨極武宣餘化猶暢於琅邪文景垂仁傳芳於南頓所謂後乎天時先諸人事者也馳章獻號高蓋成陰星斗呈祥金陵表慶陶土行擁三州之旅郢外以安王茂弘為分陝之計以東可立或高旌未拂而遐心斯偃迴首朝陽仰希乾棟帝猶六讓不居七辭而不免也布帳練帷詳刑簡化抑揚前軌光啓中與古者私家不畜甲兵大臣不為威福王之常制以訓股肱中宗矢馭疆臣自王齊斧兩京胡羯風埃相望雖復六月之駕無聞而鷓鴣之歌方遠享國無幾哀哉

明帝

長安  
近  
日近

明帝諱紹字道畿元帝長子也幼而聰哲為元帝所寵異年數歲嘗坐置膝前屬長安使來因問帝曰汝謂日與長安孰遠對曰長安近不聞人從日邊來居然可知也元帝異之明日宴羣僚又問之對曰日近



元帝失色曰何乃異聞者之言平對曰平日則見日不見長安由是益奇之元帝為晉王立為晉王太子及帝即尊號立為皇太子性至孝有文武才畧王敦欲誣以不孝而廢為大會百官而問中庶子溫嶠曰皇太子以何德稱声色俱厲必欲使有言嶠對曰鈞深致遠蓋非淺局所量以禮觀之可稱為孝矣敦謀遂止元帝崩即皇帝位

太寧元年春黃霧四塞京師火

二年王敦率兵內向帝密知之乃乘色須駿馬微行至于湖陰祭敦營壘而出有軍士疑帝非常人又敦

夢日環其城

七寶鞭

正晝寢夢日環其城驚起曰此必黃鬚鮮卑奴來也帝母荀氏燕代人帝狀類外氏鬚黃敦故謂帝云於是使五騎物色追帝帝亦馳去馬有遺糞輒以水灌之見逆旅賣食姬以七寶鞭與之曰後有騎來可以此示也俄而追者至問姬姬曰去已遠矣因以鞭示之五騎傳玩稽留遂久又見馬糞其冷以為信遠而止不追帝僅獲免秋七月帝躬率六軍與敦戰於越城大破之斬其前鋒將何康王敦憤惋而死賊燒營宵遁分遣諸將追其黨與悉平之

三年閏八月帝崩年二十七帝聰明有機斷規模宏



遠矣

史臣曰維揚作寓馮帶洪流楚江恒戰方城對敵不  
得不推誠將相以揔戎麾樓船萬計其倍王室顯其  
利而无心者周公其人也威權外假嫌隙內興彼有  
順流之師此無強藩之援商逢九亂堯止八音明皇  
負圖屬在茲日運龍韜於掌握起天旆於江靡燎其  
餘燂有若秋原去無絳而踐戎場斬鯨鯢而拜國關  
鎮削威權州分江漢覆車不踐貽厥孫謀其後七十  
餘年終罹敬道之害或曰興王在運非止上流其創  
制不殊而弘之者異也

賈曰傾天起害仇讐弄火琅邪之子仁義歸來龍行  
趙璧命筆荆臺雲瞻北晦江內望南開晉陽禦敵河西  
全壞胡寇雖艱靈心弗爽三方馳騫百眾從響寶命  
還昌金曜再朗明后岐疑軍書接要奏首晨懸薰臍  
昏燎厥德不回餘風可劬

成帝

成帝諱衍字世根明帝長子也明帝崩即皇帝位大  
赦

咸和元年十月南頓王宗有罪伏誅貶其族為馬氏  
二年十一月豫州刺史祖約歷陽太守蘇峻等反

祖約  
蘇峻  
反

明帝 成帝 二已五



蘇峻  
逼遷  
天子

三年二月蘇峻兵至王師連敗績於是司徒王導等  
衛帝於太極殿賊乘勝麾戈接於帝座突入太后後  
宮左右侍人皆見掠奪是時太官唯有燒餘米數石  
以供御膳百姓號泣響震都邑五月峻逼遷天子于  
石頭帝哀泣升車宮中慟哭峻以倉屋為宮九月陶  
侃溫嶠庾亮等攻峻峻輕騎出戰墜馬斬之眾遂大  
潰

造新  
宮

四年二月建威長史滕含以銳卒擊峻弟逸大敗之  
含奉帝御于溫嶠舟群臣頓首號泣請罪

五年八月石勒僭即皇帝位九月造新宮始繕苑城

七年十二月帝遷于新宮

八年七月石勒死子弘嗣為位

九年十一月石季龍起石弘自立為天王

咸康元年慕容皝自立為燕王

八年六月帝崩時年二十二。帝少而聰明有成人  
之量南頓王宗之誅也帝不之知及蘇峻平問庾亮  
曰常日白頭公何在庾亮對以謀反伏誅帝泣謂亮  
曰曩言人作賊便殺之人言曩作賊復若何亮懼變  
色帝少為舅氏所制不親庶政及長頗留心萬機務  
在簡約雄武之度雖有媿於前王恭儉之德足追蹤

留  
萬機



於往烈矣。

康帝

康帝諱岳字世同成帝母弟也咸和二年封琅邪王  
成帝不念詔以琅邪王為嗣成帝崩即皇帝位詔陰  
不言委政于庾冰何充改元建元

庾冰  
推捧  
人主  
始立  
之際  
立山  
傾

二年九月帝崩時年二十一○初成帝有疾中書令  
庾冰自以舅氏當朝推捧人主恐異世之後戚屬將  
踈遂以帝為嗣因改元曰建元或謂冰曰郭璞讖云  
立始之際立山傾立者建也始者元也立山諱也冰  
瞿然既而歎曰如有吉凶豈改易所能救乎至是果

驗云

史臣曰肆虐滔天豈伊朝夕若乃常刑不怨庶情猶  
仰又可以見逆順之機焉成帝因前弱之資守江淮  
之地政出渭陽聲垂威服凶徒既縱神器殆危京華  
无救庾之資真宮室類咸陽之火桀犬吠堯封狐嗣亂  
方諸后弄島若斯之甚也反我皇駕不有晉文之師  
繫于苞桑且賴陶公之力古之侯服不幸臣家天子  
宣遊則避宮北面聞諸遺策用為恒範顯宗於王導  
之門斂衣前拜豈賈公受王之卑乎帝亦克儉于躬  
庶能激揚流弊者也

克儉

康帝二已七



贊曰推皇鳳表余舅為毗勤於致寇拙於行師火及君屋兵纏帝惟石頭之駕海內含悲康后吳資居哀禮縉隆典方與降齡系從

穆帝

穆帝諱彭子康帝子也康帝崩即皇帝位時年一歲永和元年正月皇太后設白紗帷於太極殿抱帝臨軒

升平二年秋飛督王饒獻鳩鳥帝怒鞭之二百使殿中御史焚其鳥於四達之衢

鳳凰將九雛

四年鳳凰將九雛見于豐城

五年五月帝崩時年十九葬永平陵廟號孝宗

哀帝

哀帝諱不字丰人徽成帝長子也初封為琅邪王穆帝崩百官備法駕迎于琅邪即皇帝位大赦

隆和元年正月甲寅減田稅畝收一升

興寧元年四月揚州地震湖濱溢

斷穀餌長生藥

二年二月帝不念帝雅好黃老斷穀餌長生藥服食過多遂中毒不識方機宗德太后復臨朝攝政

三年二月帝崩時年二十五葬安平陵

廢帝

穆帝 哀帝 二卷八



廢帝諱爽字延齡哀帝之母弟也改封琅邪王哀帝崩无子百官奉迎于琅邪即皇帝位大赦

天和元年以會稽王昱為丞相

相温  
誣帝  
諷太  
后廢  
之

六年十一月相温詣闕因圖廢立誣帝在藩夙有痿疾嬖人相龍計奸朱靈王等參侍内寢而一美人田氏孟氏生二男長欲封樹時人惑之温因諷太后以伊霍之卒即日相温使散騎侍郎刘享收帝璽綬帝著白袷單衣步下西堂乘犢車出羣臣拜饗莫不歎欷初相温有不臣之志欲先立功河朔以收時望及枋頭之敗威名頓挫遂潛謀廢立以長威權然憚帝守道恐招時議以宮闈重閉牀策易諷乃言帝為廢遂行廢辱咸安二年降封帝為海西縣公大元十一年薨于吳時年四十五

无事  
十餘  
年

史臣曰孝宗因繼抱之姿用母氏之化中外无事十有餘年以武安之才啓之疆場以文王之風被乎江漢則孔子所謂吾无間然矣哀皇寬惠可以為君而鴻祀禳天用陳其德東海違許龍之駕屈放命之臣所謂柔弱勝剛強得及於天年者也

贊曰委裘稱化大孝為宗遵彼聖善成茲允恭西旌玉壘北旆金墉迂般舊楚莫不來從哀后寬仁推靈



既集海西多故時灾見及彼異阿衡我非昌邑

簡文帝

晉祚

簡文帝諱昱字道萬元帝之少子也幼而岐嶷為元帝所愛郭璞見而謂人曰吳晉祚者必此人也及長清虛寡慾尤善玄言永昌元年元帝詔封昱為琅邪王食會稽宣城如舊廢帝廢大司馬相溫率百官奉迎帝於會稽

咸安元年即皇帝位有司承旨奏誅武陵王晞帝不許相溫固執至于再三帝手詔報曰若晉祚靈長公便宜奉行前詔如其大運去矣請避賢路溫覽之流汗变色不敢復言

留心典籍

二年七月帝崩時年五十二○帝少有風儀善容止留心典籍不以居處為意凝塵滿席湛如也相溫既仗文武之任屢建大功加以廢立威震內外帝雖處尊位拱默守道而已常懼廢黜時中書侍郎郝超請急省其父帝謂之曰致意尊公家國之事遂至於此由吾不能以道匡衛愧歎之深言何能喻因詠庾闡詩云志士痛朝危忠臣哀主辱遂泣下霑襟帝雖神識恬暢而无濟世大畧故謝安稱為惠帝之流清談差勝耳沙門支道林嘗言會稽有遠躋而无遠神謝

元濟世大畧



靈運亦其行事亦以為赧獻之輩云

孝武帝

孝武帝諱暉字昌明簡文帝第三子也簡文帝崩即皇帝位

五月相溫薨八月崇德太后臨朝攝政

帝加元服皇太后歸政

正月帝初奉佛法立精舍於殿內引諸沙門以居之

謝石謝玄等諸將及符堅戰於淝水大破之俘斬數萬計獲堅輿輦及雲母車

四月百濟王代王拓拔圭始改稱魏

正月詔淮南所獲俘虜傳諸侯部者一皆散遣男女自相配匹以襄陽淮南饒沃地各立一縣以居之

清暑殿

奉酒 祝長 星

正月造清暑殿秋九月帝崩于清暑殿時年二十五。帝威權已出雅有人主之量既而溺於酒色殆為長夜之飲末年長星見帝心甚惡之於華林園舉酒祝之曰長星勸予一杯酒自古何有萬歲天子邪太白連年書見地震水旱為變者相屬醒日既少而筭無正人竟不能改焉時張貴人有寵年幾



昌明  
識

三十帝戲之曰汝以年當廢矣貴人潛怒向夕帝醉  
遂暴崩初簡文帝見識云晉祚盡昌明及帝之在孕  
也李太后夢神人謂之曰汝生男以昌明為字及產  
東方始明因以為名焉簡文帝後悟乃流涕及為清  
暑殿有識者以為清暑反為楚聲哀楚之徵也俄而  
帝崩晉祚自此傾矣

政由  
栢氏

史臣曰前史稱不有廢也君何以興若乃天挺惟神  
光膺嗣位邁油雲而驤首濟沉川而能躍少康一旅  
之眾所以闡帝圖成湯七十之基所以興王業靜河  
海於既泄補穹圓於已紊事異於斯則非由也簡皇

挂旃  
天山

以虛白之姿在屯如之會政由栢氏奈則寡人太宗  
晏駕寧康纂業天誘其衷姦臣自隕于時西踰劔岫  
而跨靈山北振長河而臨清洛荆吳戰旅嘯咤成雲  
名賢脫出舊德斯在謝安可以鎮雅俗彪之足以正  
紀綱栢冲之夙夜王家謝玄之善斷軍事于時上天  
乃眷彊民自泯五尺童子振袂臨江思所以挂旃天  
山封泥函谷而條綱弗垂威恩空樹道子荒乎朝政  
國寶彙以小人拜授之榮初非天旨鸞刑之貨自走  
權門毒賦年滋愁民歲廣是以聞人許榮馳書詣闕  
烈宗知其抗直而惡聞逆耳肆一醉於崇朝飛千觴



於長夜雖復昌明表夢安聽神言而金行類弛抑亦  
人事語曰天國之政未陵夷小邦之亂已傾覆也屬  
符堅百六之秋棄淝水之眾帝號為武不亦優哉  
贊曰君若綴旒道非交泰簡皇凝寂不貽伊害孝武  
登朝英雄自消燕之擊路鄭叔分鐮倡臨帝席酒勸  
天妖金風不競人事先凋

安帝

安帝諱德宗字德宗孝武帝長子也武帝崩即皇帝  
位

隆安元年帝加元服

二年廣州刺史相玄等舉兵反

桓  
篡

元興二年相玄自稱大將軍俄又自號相國楚王十  
一月玄遷帝于永安宮十二月玄篡位以帝為平固  
王帝蒙塵于潯陽

二年二月建武將軍劉裕帥師國劉毅東海何無忌  
等舉義兵濟江玄眾潰而逃相玄逼帝西上四月玄  
戰敗復逼帝東下五月劉毅及玄戰于岷嶽大破之  
帝復幸江陵督護馬遷斬相玄於貊盤洲乘輿反正  
于江陵閏五月相玄故將相振陷江陵帝復蒙塵于  
賊營



禁胡扇及擣捕

義熙元年相振以帝屯于江津振武將軍劉道規擊相謙走之乘輿反正建威將軍劉懷肅討振斬之四月劉裕旋鎮京口五月禁胡扇及擣捕三年姚興將赫連勃勃僭稱天王于朔方國號夏十四年帝崩時年二十七帝不惠自少及長口不能言雖寒暑之變無以辯也凡動止皆非已出故相玄之篡因此獲全初讖云昌明之後有二帝劉裕將為禪代故密使王韶之繼帝而立恭帝以應二帝云

恭帝

至相振

恭帝諱德文字德文安帝母弟也初封琅邪王相玄篡位以帝為石陽縣公與安帝俱居潯陽及玄敗隨至江陵玄死相振奄至躍馬奮戈直至階下瞑目謂安帝曰臣門戶何負國家而屠滅若是帝乃下牀謂振曰此豈我兄弟意邪振乃下馬致拜振平復為琅邪王安帝崩劉裕矯詔立帝遂即位

劉裕諷帝禪位

二年六月劉裕至于京師傳亮承裕密旨諷帝禪位草詔請帝書之帝欣然謂左右曰晉氏久已失之今復何恨乃書赤紙為詔遂遜于琅邪第劉裕以帝為



事佛

年之  
筆草

零陵王居于秣陵帝自是之後深慮禍機褚后常在  
 帝側飲食所資皆出褚后故宋人莫得伺其隙宋永  
 初二年九月丁丑裕使后兄叔度請后有間兵人諭  
 垣而入弑帝于内房時年二十六。帝幼時性頗忍  
 急及在藩國曹令善射者射馬為戲既而有人云馬  
 者國姓而自殺之不祥之甚帝亦悟其悔之其後復  
 深信浮屠道鑄錢百萬造丈六金像親於瓦棺寺迎  
 之。始元帝以丁丑歲稱晉王置宗廟使郭璞筮之  
 云享二百年自丁丑至禪代之歲年在庚申為二百  
 四歲然丁丑始係西晉庚申終入宋年所餘唯二百  
 也。有一歲耳璞蓋以百二之期促故筮而倒之為二百  
 也。史臣曰安帝即位之辰鐘無妄之日道子元顯並傾  
 朝政主昏臣亂本有不如斯亡者也雖有手握戎麾  
 心存舊國回首無良忽焉蕭散於是相之乘豐穀踰  
 麟指六師咸浪隻馬祖遷是以宋高非與千之臣孫  
 恩豈金行之寇若乃出遇顛覆則孝皇斯盛於越之  
 民詭譎丹穴會稽之侶寧歎入臣去皇屋而歸來灑  
 丹書而不恨夫五運攸革二微數盡猶高秋彫候理  
 之自然觀其搖落人有為之流連者也



贊曰安承流河大盜斯張恭乃寓命他人是綱猶存  
周赧始立懷王虛尊假號異術同工

名公增修晉書詳節卷之二



名公增修晉書詳節卷之三

晉志



天文志

言天  
者三  
家

中宮

柱下  
史

古言天者有二家一曰蓋天二曰宣夜三曰渾天蔡邕言宣夜之季絕無師法周髀術度具有考驗天狀多所違失惟渾天所得其情今史官候臺所用銅儀則其法也渾天之體信而有徵矣。中宮北極五星勾陳六星昏在紫宮中北極北辰最尊者也天運無窮二光迭耀而極星不移故曰居其所而眾星拱之鈎陳後宮也大帝之正妃也口中一星曰天皇大帝大帝上九星曰華蓋所以覆蔽大帝之坐也蓋下九星曰杠蓋之柄也華蓋下五星曰五帝內坐設叙順帝所居也極東一星曰柱下史主記過左右史此之象也。紫宮垣十五星其西蕃七東蕃八在北斗北一曰紫微大帝之坐也天子之常居也一曰長垣一曰大營一曰旗星為蕃衛備蕃臣也東垣下五星曰天柱東南維五星曰尚書主納言東北維外六星曰天厨主盛饌。北斗七星在大微北魁四星為璇璣杓三星為玉衡又曰斗為人君之象號今之主也又為帝車取運動之義也魁中四星為貴人少牢曰天



文昌  
太微

帝坐  
郎星  
三台

攝提  
貫索

理也輔星傳平開陽第八星所以佐斗成功丞相之象也輔星明則臣疆○文昌八星在北斗魁前天之六府也主集計天道○太微天子庭也五帝之坐也十二諸侯府也其外蕃九卿也南蕃中一星間曰端門東曰左執法廷尉之象也西曰右執法御史大夫之象也左執法之東左掖門也右執法之西右掖門也其東西蕃各有星曰太陽門太陰門華東門華西門其西角外二星曰明堂天子布政之宮明堂西三星曰靈臺觀臺也東北三星曰三公三公北三星曰九卿九卿西五星曰內五諸侯辟雍之禮得則太微諸侯明○黃帝坐在太微中天子從容中道則五帝坐明以光四帝星夾黃帝坐是為五帝坐五帝坐北一星曰太子帝儲也太子北一星曰從官侍臣也郎位十五星在帝坐東北一曰依烏郎府也漢官光祿中散諫議是其職也三台六星兩兩而居起文昌列抵太微三公之位也西二星曰上台次二星曰中台東二星曰下台又三台為天階一曰太階有上階中階下階攝提六星直斗杓之南主建時節同機祥攝提為楯以夾擁帝座也貫索九星賤人之牢也牢口一星為門欲其開也九星昏明天下獄煩七星見小赦六星



織女

河鼓

五星大赦動則斧躡用中空則更元織女三星天女也主果祿絲帛珍寶也王者至孝神祇咸喜則織女星俱明官者四星主刑餘之人也星微吉非其常官者有愛河鼓三星旗九星在牽牛北天鼓也一曰三武主天子二將軍中央大星為大將軍左星為左將軍右星為右將軍旗即天鼓之旗所以為旌表也王良五星在奎北其四星曰天駟旁一星曰王良亦曰天馬亦曰梁為天橋故或曰軍騎或占津梁道前一星曰策星若移在王良則是謂策馬則車騎滿野。東壁北十星曰大厩主馬之官若今驛亭也主傳令

少微

置驛必滿馳驚謂其行急疾與夏滿競馳也卷舌六星在昴北主口語以知佞讒也五車三星二柱九星在畢北三柱一曰二泉天子得靈臺之禮則五車三柱均明有常軒轅十七星黃帝之神黃龍之體也后妃之主士職也次北一星夫人也屏也次北一星妃也其次諸星皆次妃之屬也軒轅右角南三星曰酒旗酒官之旗也主饗宴飲食少微四星在大微西士大夫之位也一名處士一曰第一星處士第二星議士第三星博士第四星大夫明大而黃則賢士卒也二十八舍東方角一星為天關其間天所也其內天



房為明堂

庭也左角為天田為理主刑右角為將主兵其星明  
 大王道太平亢四星天子之內朝也惣攝天下奏事  
 聽訟理獄錄功者也星明天下寧氏四星王者之宿  
 宮后妃之府休解之房後二星大則臣奉度房四星  
 為明堂天子布政之宮也亦四輔也房星明則王者  
 明心三星天王正位也中星曰明堂天子位為大辰  
 心星見祥星明大天下同前星為太子後星為庶子  
 尾九星後宮之場妃后之府亦為九子星色欲均明  
 大小相承則後宮有叙多子孫箕四星亦後宮妃后  
 之府主八風凡日月宿在箕東辟翼軫者風起○北  
 方南斗六星天廟也亦為壽命之期將有天子之事  
 占於斗斗星盛明王道平爵祿行牽牛六星天之關  
 梁主犧牲事皇明大王道昌關梁通須女四星天少  
 府也須賤妾之稱婦職之卑者也主布帛裁製虛二  
 星冢宰之官也主廟堂祭祀祝禱事危二星主天府  
 天市架屋營室二星天子之宮也又有軍糧之府及  
 土功事星明國昌東壁二星主文章天下圖書之秘  
 府也星明王者與道術明國多君子○西方奎十六  
 星天之武庫也主以兵禁暴婁二星為天獄主死牧  
 犧牲供給郊祀胃二星天之厨藏主倉廩五穀付也

圖書府



南方

昂七星天之耳也又為旄頭胡星也昂畢間為天街  
 天子出旄頭罕畢以前驅此其義也畢八星主邊兵  
 星明大則遠夷來貢天下安附耳一星在畢下主聽  
 得失伺憊邪察不祥月入畢多雨觜觿三星為三軍  
 之候行軍之藏府參十星一曰參伐主斬刈又為天  
 獄主殺伐又主權衡所以平理也。南方東井八星  
 天之亭候主水衡事法令所取平也王者用法平則  
 井星明而端列月宿井有風雨輿鬼五星天目也主  
 視明察奸謀柳八星天之厨宰也主尚食和滋味星  
 七星一名天都主衣裳又綉張六星主珍寶宗廟所  
 用及衣服翼二十二星天之樂府俳倡又主夷狄遠  
 客負海之賓軫四星主冢室輔臣也主車騎主載任  
 有軍出入皆占於軫

傳說  
星

星官在二十八宿之外者。庫樓十星六大星為庫  
 南四星為樓傳說一星在尾後傳說主章祝平官也  
 農丈人一星在南斗西南老農主穡也天田九星在  
 牛南羅堰九星在牽牛東以壅畜水潦灌漑渠也項  
 林四十五星在宮室南一曰天軍主軍騎又主翼主  
 也北落師門一星在羽林西南北者宿在北方也落  
 天之蕃落也師衆也師門猶軍門也畢女城北門曰



老人星

五星

景星

瑞氣  
曰慶雲  
曰景雲  
天子氣

北落門以象此也其西北有十星曰天錢北落西南  
 一星曰天綱主武帳昂畢南有十六星曰天苑苑南  
 十星曰天園參東南十二星曰軍市軍市西南二星  
 曰丈人丈人東二星曰子子東二星曰孫又天社六  
 星昔共工氏之子句龍能平水土故祀以配社其精  
 為星老人一星一曰南極常以秋分之日見于丙春  
 分之夕而没于丁見則治平主壽昌稷五星稷農正  
 也取乎百穀之長以為號也。天漢起東方經尾旗  
 之間謂之漢津乃分為一道至天津下而合南道乃  
 西南行至七星南而沒。歲星曰東方春木於人五  
 常仁也五事貌也熒惑曰南方夏火禮也視也填星  
 曰中矣季夏土信也思也太白曰西方秋金義也言  
 也辰星曰北方冬水智也聽也凡五星所出所行所  
 直之辰其國為得位凡五星色黃為吉。瑞星一曰  
 景星如半月生於晦朔助月為明亦曰德星流星天  
 使也自上而降曰流自下而升曰飛大者曰奔奔亦  
 流星也星大者使大星小者使小聲隆隆者怒之象  
 也。瑞氣一曰慶雲若煙非煙若雲非雲郁郁紛紛  
 蕭索輪囷是謂慶雲亦曰景雲此喜氣也太平之應  
 天子氣內赤外黃四方所發之處當有王者若天子



雲  
體  
欲有游往處其地亦先發此氣或如華蓋在氣霧中  
或如龍馬或雜色鬱鬱衝天者此皆帝王氣凡海旁  
屋氣象樓臺廣野氣成宮闕北夷之氣如牛羊穹廬  
南夷之氣類舟舡幡旗東夷氣如樹西夷氣如室屋  
韓雲如布趙雲如牛楚雲如日宋雲如車魯雲如馬  
衛雲如大周雲如車輪秦雲如行人魏雲如鼠鄭雲  
如絳衣越雲如龍蜀雲如困

律歷志

六律爲萬事根本故望敵知吉凶聞聲效勝負百王  
不易之道也魏武時杜夔精識音韻爲雅樂郎中令  
鑄銅工此亦玉鑄鍾其聲均清濁多不如法數毀改作  
玉甚厭之魏錯雜更試然後知夔爲精也武帝泰始中  
中書監荀勗造新鍾律與古異魏韻時人稱其精密  
惟散騎侍郎阮咸譏其聲高聲高則悲非與國之音  
必古今尺有長短所致也會咸病卒武帝以勗律與  
周漢器合故施用之後始平掘地得古銅尺歲久欲  
腐不知所出何代果長尺四分時人服咸之妙而  
莫能厯意焉。昔者聖人擬辰極以運璿璣揆天行  
而序景曜分辰野辨躔歷敬農時以物利皆以繫順  
兩儀紀綱萬物者矣。國踐祚泰始元因魏之景

泰始  
歷



初歷改名泰始歷楊偉推五星尤踈闊故六帝渡江左以後更以乾象五星法代偉歷劉洪術為後代之師表云

禮志

議正  
日  
蝕

漢建安中將正會而太史上言正日當日蝕朝士疑會不并詔尚書令荀彧時廣平計吏劉邵在坐曰梓慎視龜古之良史猶占水火錯失天時諸侯旅見天子入門不得終禮者四日蝕在一然則聖人垂制不為變異豫廢朝禮者惑災消異伏或推術謬誤也或善而從之遂朝會日亦不蝕邵由此顯名至晉康帝

蔡謨  
非前  
議

建元元年太史上元日合朔後復疑應却會與否康帝冰輔政與劉邵議以示八座於是蔡謨著議非之曰邵論災消異伏又以梓慎視龜猶有錯失其理誠然也而云聖人垂制不為變異豫廢朝禮此則謬矣災祥之發所以謹告人主王者之所重誠與其疑而廢之寧慎而行之故孔子老聃助葬於巷黨以喪不見星而行故曰蝕而止樞曰女知其不見星也而邵廢之是棄聖賢之成規也魯相公壬申有災而以乙亥嘗祭春秋譏之災事既過猶追懼未已故發宗廟之祭况聞天書將至行慶樂之會於禮重矣禮記所云



郡會

諸侯入門不得效禮者謂曰官不豫言諸侯既入見  
蝕乃知耳非先聞當蝕而朝會不廢也引此可謂失  
其義旨劉邵所執者禮記也夫子老聃若黨之事亦  
禮記所言復違而反之進退無據然荀令所言漢朝  
所從遂使此言至今見稱莫知其謬後君子將擬以  
為式正之云耳於是冰從眾議遂以却會

漢魏故事大喪及大臣之喪執紼者輓歌新禮以為  
輓歌出於漢武帝役人之勞歌聲哀切遂以為送終  
之禮雖音曲摧愴非經典所制違禮設銜枚之義方  
在號慕不宜以歌為名除不輓歌摯虞以為輓歌因

唱和而為摧愴之聲銜枚所以全哀此亦以惑眾雖  
非經典所載歷代故事詩稱君子作歌惟以告哀以  
歌為名亦無所嫌且定新禮如舊說從之

婚禮  
用羊

王肅納徵辭云玄纁束帛鴈皮鴈羊前漢聘后黃金  
二百斤馬十二疋亦無用羊之旨鄭氏婚物贊曰羊  
者祥也然則婚之有羊自漢未始也王者六禮尚未  
用也是故太康中太子婚納徵加羊

楔於  
水上

漢儀季春上巳官及百姓皆楔於東流水上洗濯祓  
除去宿垢而自魏以後但用三日不以上巳也晉中  
朝公卿以下至于庶人皆楔洛水之側漢帝會天泉



池賦詩陸機云天泉池南石溝引御溝水池西積石  
為榭堂本水流杯飲酒亦不言曲水（四帝）又詔罷三  
日弄具（四帝）於鍾山立流水曲水延百僚皆其事也  
九月九日馬射或說云秋金之節講武習射豈立秋  
之禮也

樂志

暗解  
神解

荀勗作新律笛十二枚以調律呂正雅樂自謂宮商  
克諧然論者猶謂勗暗解時阮咸妙達八音論者謂  
之神解咸常心譏勗新律聲高勗意咸異已乃出咸  
為始平相後有田父耕於野得周時玉尺勗以校已

鼓角

所治鍾鼓金石絲竹皆短校一米於此伏咸之妙

鼓角說者云蚩尤氏師魑魅與黃帝戰於涿鹿帝乃  
命始吹角為龍鳴以禦之其後魏武北征烏丸越沙  
漠而軍士思歸於是減為中鳴而尤更悲矣。魏晉  
之世有孫氏善弘舊曲宋識善擊節唱和陳左善清  
歌列和善吹笛郝崇善彈箏朱生善琵琶尤發新聲  
故傳方著書曰人若欽所聞而忽所見不亦惑乎設  
此六人生於上世越古今而無儷何但嬰牙同契哉  
子夜歌者女子名子夜造此聲（四帝）太元中琅邪王  
軒之家有鬼歌子夜則子夜是此時人也。鳳將雛

子夜  
歌



團扇

歌

杯

公莫

白紵

歌者舊曲也應璩伯一詩云言是鳳將雛然則其來  
 久矣○團扇歌者中書令王珉與嫂婢有情愛好甚  
 篤嫂捶撻婢婢素善歌而珉好捉白團扇故制此歌  
 ○杯拌弄按太康中天下為晉世寧弄務手以接杯  
 拌反覆之此則漢世惟有拌弄而晉加之以杯反覆  
 之也○公莫弄今之巾弄也相傳云項莊劍弄項伯  
 以袖隔之使不得害漢高祖且語項莊云公莫古人  
 相呼曰公言公莫害漢王也今之用巾蓋像項伯衣  
 袖之遺式○白紵弄按弄詳有巾袍之言紵本吳地  
 所出宜是吳弄也晉俳歌又云皎皎白緒節節為雙  
 吳音呼緒為紵疑白紵即白緒也

職官志

黃帝置三公之秩以親黎元少昊配九扈之名以為  
 農正伊尹曰三公調陰陽九卿通寒暑大夫知人事  
 列士去其私而成湯居亳初置二相以伊尹仲虺為  
 之凡厥樞會仰承君命及秦變周官漢遵嬴舊或隨  
 時適用或因務迂革霸王之典義在於斯四征與於  
 漢代四安起於魏初四鎮通於柔遠四平止於喪亂  
 世相繼而即位之初以安平王孚為太宰鄭冲為  
 太傅王祥為太保司馬望為太尉何曾為司徒荀顛







萬金堂以爲私藏復寄少黃門私錢家至巨億於是  
懸鴻都之榜開賣官之路廷尉崔烈入錢五百万賈  
司徒○晉○如過江用孫氏舊錢輕重雜行大者謂  
之比輪中者謂之四文吳興沈充又鑄小錢謂之沈  
郎錢二既不多由是稍貴等詔曰錢國之重至小  
人貪利銷燬無已監司當以爲意

名公增修標註晉書詳節卷之三







